

1 TIMOTEO

Ɔko Ɖeakatõ Gõ I Paulo Ɖtsere Ɖtã Timoteo

¹ Mme Paulo gõ nde Yesu Kristo Katõmesedze iki i bo Ɖidze Ƴaa gu Kristo Yesu gõ iba boto bonyõ ori lotsere Ɔko gõgbe. ² Nto losu lotã-Ɔ Timoteo. Aye sõ obi aɖe me i kafõkaɖe ame. Lokare bo Ɖse Ƴaa gu Bosate Yesu sõ matã-Ɔ abualera, fõ ara si aɖo ma kayiri si matã-Ɔ isobue ana.

Paulo Ɖka Timoteo I Mila Maratedze Iso.

³ Kinio ne, lobie sõ aakpese awe i Efeso le kumegõ loyere-Ɔ ku Ɔwi gõ loto lokede Makedonia. Aye sõ mawẽ pia i mmõ gõ mato mate ara wa loakpõkpõtõra bo ara ite i Kristo kafõkaɖe iso. Lobie sõ sã tã ma sõ manyua ara wamõ ite. ⁴ Ƴere ma sõ manyua akuerera wa nna karõ gu siyekpare ifafare. Ara wagbe igbã se abõ kakpadzẽ i maturi ndẽ. Iiɖe Ƴaa adzuni iso mato mate ara. Adzuni wa nde kafõkaɖe are lokote sõ boatsue. ⁵ Nne Ɔso fie loto losu karabara gagbe lopia i fõ nroõ ame nde sõ, boaregẽra kuɖõe gõ lobõre i kayere sekelea gu kayiribielea ame. Bo Kristo kafõkaɖe ana aade kagbaãre. ⁶ Maturi mawẽ Ɔfiniki mabõre i ara wagbe iso, ne Ɔso maoyu ori sãe, masu so mapia i kakpadzẽ ga nna karõ ame. ⁷ Mabie sõ maakpese Mose mmara matedze ɣee ne, ma mõmõ iino ara wamõ karõ. Mase maɖe ika teteree i ara wa mainõ karõ iso.

⁸ Bo ɔɔɔɔɔ ɣe sɔ Mose mmara le, si boabara i me iso iyi ɔɔɔɔɔ. ⁹ Ikote sɔ boatsue ana sɔ iide maturi sɛɛ ɔso matã mmara, ɣɛɛ matsuelese ma losẽ Ƴaa mmara gu ara lalaa mabaradze ma ngbã loyi ku ara nyanyarĩa ibara. Maɔe maturi ma loisiai kafokade kukawẽ fie maɔe ma mayese gu maturi mama maɔese ana. ¹⁰ Maturi ma nde manɔlese gu marerẽ ma nse maregu ma marerẽ laa. Maturi ma nse mayu maturi marodẽ gu maladze gu mma nse makã ndamu siefe. Mma ɔɔɔɔɔ loise masiai ara ite sɛɛ ne, ma ɔso matã mmara ne. ¹¹ Itõme Bielea sekelea ne iɣe i Ƴaa gɔ maale ɔsu ɔpia me i nrɔɔ ame i ara ite negbe ɔbɔɛ.

Paulo Ɔpe Ƴaa Siba

¹² Lope Bosate Yesu Kristo siba i ɔle gɔ ɔtã me sɔ loabara ñ karabara ɔso. Nto lope wũ siba sɔ ɔnya me ɔturi gɔ lokote fie ɔkpere me sɔ lobara kasumu karabara gagbe. ¹³ Atoa sɔ lokpẽgu wũ, lotia wũ, fie loɣe anyakpi i ñ iso ku ɔwi gɔ lofe fie loaba loafiniki ne, Ƴaa ɔnyɔ me nnya alasɔ ɔwi gɔmɔ ame ne, loifo wũ loɔe fie loixɛ nne loto lobara. ¹⁴ Ƴɛɛ Bosate ɔfedza abualera gbodzoo ɔfere me iso fie ɔtã me kafokade gu kuɔɔɛ, ara wa nde bo are si bobara mawẽ ku Yesu Kristo.

¹⁵ Itõme ne nto loɣe ngbe ne, gbaã ide fie ikote sɔ ɔturi biara aafɔ ne ɔɔe sɔ Yesu Kristo nde Ƴaa Ɔbi gɔ loba kayi gagbe ame sɔ si ɔba ñaɔi maturi ɔbɔregu i ma akpi wa mato mabara ame. Makpibaradze magbe ame ne, mme nde ɔɔeakatɔ. ¹⁶ Ƴɛɛ Ƴaa ɔnyɔ me nnya sɔ iaki i mme gɔ mme lonyanyarĩ loɔo ma ɔɔɔɔɔ iso ne, Kristo

Yesu aadi ñ iɣaraso ɔte maturi manya kumegɔ ɔsu kudɔɛ ɔtã makpibaradze ma lofo wũ maɔe sɔ ɔatã ma ngbã me loise miro. ¹⁷ Ne ɔso ne, mitã sɔ boasu ile botã bo Igara gɔ i kato, ngo boito bonya ku bo anɔ fie ñ ɔnɔwẽ nde ʒaa. Boala boɔkɔɛ ñ gɔ loibakpi ɔnya iyere kato ɔaa. Si iba ngbo.

¹⁸ Wũ ɔbi Timoteo, karabara ga lotã-ɔ ngbe ne, ise i ara wa i kanyamaɔidze ɔɣe masegu i fo iso ɔso. Mɔẽ atɔme wagbe la si aade iso i Bosate kakaɔ gagbe ame. ¹⁹ Mɔẽ fo kafɔkaɔde gu fo kaɣere la kukaako alaso mawẽ ma loikã ma situ atsue ne, mayu ngbã ɔri. ²⁰ Ma ndẽ mawẽ nde Himeneo gu Aleksandro ne. Losu ma lotã Tsirise sɔ ɔkpadzẽ ma kutsue si maasuã sɔ maibala maɔɣe atsue pẽ i ʒaa iso.

2

La ɔɔkparama Kayi ɔwi Biara.

¹ Ira ɔeakatɔ ne lobie sɔ aabara nde sɔ, la ɔotã ʒaa iti si ala ɔɔkparama kayi i maturi ɔɔɔɔɔɔ iti. La ɔɔsu mi gu ma ɔɔɔɔɔɔ ara nyaa ɔɔɔɔ ʒaa katɔ.

² La ɔɔkparama kayi ɔotã magara gu mma ɔɔɔɔɔɔ nto maɔe maturi iso sɔ boawe i isobue gu isoɔɔ ame ɔwi biara sɔ boasumu ʒaa i kuware ame i ɔri biara iso. ³ Kayi ikparama negbe igbã nse ibo bo ɔidze ʒaa anɔ ne. ⁴ Alaso ɔto ɔbie sɔ ɔafo ɔbiara ɔɔ ngbã fie maatsue nne nde ɔnukuare.

⁵ Gbaã ne, ʒaa ɔwẽ ɔɔe mpia. Kpuradze ɔwẽ saã ana mpia gɔ ñ nde ɔrerẽ gɔ marɔ Kristo Yesu. ɔ nse ɔledza bo gu ʒaa inyɔ ndẽ ne. ⁶ ɔ ɔɔe losu sɔ ɔtã i kayiiso maturi ɔɔɔɔɔɔ iti ne. Yesu ɔbara nnegbe si ɔte sɔ ɔwi gɔ i ʒaa ɔɣe ɔse sɔ ɔaɔi

kayiiso maturi ɔɔɔɔ ɔɔɔɔ. ⁷ Nnegbe ɔso i Yaa ɔbara me ratedze gu katɔmesedze ne. Gbaã idɛ, fiɛ iide sila sɔ ɔɔi me sɔ loadɛ Katɔmesedze gu ratedze gɔ loadɔi kafɔkadɛ ara karɔ ɔte mma loide ma Yudase.

⁸ I mafɔɔɔɔɔ kasarekɔ biara ne, lobie sɔ marerɛ si makparama kayi ku situ sekelea sɔ si Yaa ɔnya ma nrɔɔ sekelea ne, ɔatsue sɔ maɔɔi sɔ mabɔregu i ara lalaa ame fiɛ sikipã gu kakpadzɛ na i ma ndɛ. ⁹ Lobie ana sɔ marɔgo aanyɔ ma arapia iso sɔ aibatsue anɔ, nnegbe loate sɔ mabɔ sɔ karɔ ne. Iile sɔ maanyi akpofa siare, makere sɔ gu sikãreteã ara agbãagbã wa lofo kuɔa gɔ loate kato ikɔleso. ¹⁰ Yɛɛ ne, ma sibara sɛɛ si sidɔi site sɔ madɛ marɔgo ma nsiai Bosate. ¹¹ Ɔrɔgo biara si ɔbɔ sɔ karɔ si ɔsuã ara i karɔ ibɔso ɔɔɔɔ ame. ¹² Loitã ma ɔri sɔ mate marerɛ ara, yee madɛ marerɛ iso. Yɛɛ mama kanya si mase. ¹³ Alaso Adam i Yaa ɔɔɔ katɔ ɔbara fiɛ ɔbara Eva. ¹⁴ Fiɛ iide Adam i Tsirise ɔsɔsɔla, yɛɛ ɔrɔgo ɔsɔsɔla fiɛ ɔtã sɔ ɔbara ikpi. ¹⁵ Yɛɛ si ɔrɔgo ɔya teteree i ɔ kafɔkadɛ ame ku kudɔɛ fiɛ ɔbara sɔ sekelee ɔbɔ sɔ karɔ ne, ɔaki i ɔ kuɔɛ ame pɔkɔsɔɔ.

3

Mma Igbã Lokote Mafɔɔɔɔɔ Matɔɔɔɔɔ.

¹ Gbaã idɛ sɔ si ɔturi to ɔbie sɔ ɔakpese mafɔɔɔɔɔ tɔɔɔɔɔ ne, ɔto ɔbie karabara sɛɛ. ² Mafɔɔɔɔɔ tɔɔɔɔɔ ne, ikote sɔ ɔadɛ ɔturi gɔ atsue na iso, fiɛ ɔɔɔ ɔrɔgo ɔwɛ yiridze, ɔ anɔ ɔkpa, ɔsɛ ɔɔɔ sɔ iso, fiɛ maturi sɛ maware

wũ. Ɔaɖe ngo nse ofo mafɔ fie ɔɖe ratedze sɛɛ. ³ Ɔibade ngo nse ɔne ndã orẽ, ɔibade kulu baradze. Ƴɛɛ ikote so ɔade ɔturi ɣoa, ngo loise ɔɖɔe atõme ikpadzẽ fie ɔna sikã kanɔbebe. ⁴ Ikote so ɔade ngo nto ɔnyɔ ɔ̃ iyo iso kukaako fie ɔ̃ mabi se makã itõme atsue i ori biara iso. ⁵ Si ɔturi go loibawo ɔ̃ mɔmɔ iyo maturi iso ɔnyɔ ne, nda ɔabara fie ɔawo Ƴaa mafɔɖedze ɔkɔkɔ? ⁶ Iikote so ɔade fɔɖedze ɣete so ɔaba ɔakole so kato fie iaki i ne iso so ɔaba ɔakpase le kumego i Tsirise ɔkpase awe. ⁷ Ikote so ɔade ɔturi go mba iyere sɛɛ i mma loide mafɔɖedze ana katõ so maibaɣe ara nyanyarĩa i ɔ̃ iso fie ɔabo i Tsirise iyebi ame.

⁸ Mafɔɖedze kasarekõ mabuaidze ne, ma wũ ikote so maade maturi ma mba ngbã sɛɛ fie maibade sinyagemi inyɔ maturi, maade mma loise mane ndã marẽ fie ma ano iise abe i sikã iso. ⁹ Ikote so maamɔẽ kafɔkade Itõme Bielea ne mafɔ ngbe teteree ku situ dze loibatã ma ipo. ¹⁰ Ipia so aala ma ngbã anyɔ fie si ainya iyere kuiwẽ i ma iso fie aatã so maakpese mafɔɖedze mabuaidze. ¹¹ Ma mare ana ne, ikote so maade marõgo ma nsi ngbã sɛɛ fie maise maye maturi iso ara. Maade marõgo ma loise marẽ ndã fie mase mabara ira biara kukaako. ¹² Nyɔ so mabuaidze magbe ɔbiara yiri orõgo ɔwẽ, ɔto ɔnyɔ ɔ̃ mabi gu ɔ̃ iyo maturi ɔɖuɖu iso kukaako. ¹³ Mabuaidze ma lomɔẽ ma karabara kukaako ne, ma mɔmɔ ba kayakpa fie mase mawo kafɔkade gu Yesu Kristo iso itõme ɔɣe ku ɔle.

¹⁴ Atoa so nto lotsere ɔko gɔgbe lotã-ɔ ne, nto

lonyo ori so loaba fo kore i owi kurukutu ame. ¹⁵ Yee nto lotsere so si logbikama ne, aatsue kumego ikote so oturi aase ngba i Yaa iyo ne nde Yaa go mba ngba mafodedze nde. Mafodedze magbe nye i onukuare kama ne. ¹⁶ Yaa itome wera ne maqi mate ne, iba kuxa gbaa fie oturi kuwe iibawo ne ose. Ne nde so, “Bosate oja le Oturi Awune Obi.

Yaa Siwarã okole wu le oturi bololoa.

Yaa makpabo onya wu.

Maturi nye o iso itome i abuiti odudu ame.

Maturi gbozoo ofo wu maqe i kayiiso.

Fie Yaa osu wu okelagu kato i ikpawai ame.”

4

Maturi To Maasiai Mila Maratedze.

¹ Yaa Siwarã oqi sivere bo sekelee so i ayi tsora ame ne, maturi mawe to maabore i kafokade itome momo ame masiai kasola siwarã gu mma loasu so matã Obosam ara ite. ² Maturi magbe se mate mila, alaso ma kayere okpi le ibora mapia i oto masu mamatara ka iso. ³ Mase mate so iikote so maturi ayiri marogo. Mase masẽ adera agba awẽ ana. Yee Yaa loqi aradea odudu so mma lofo wu maqe gbaa fie masiai o itome si maade ku siba ipe. ⁴ Ira biara ne i Yaa oqi ne, ile. Ne oso iikote so maturi aasẽ adera kuawẽ. Yee maafõ ira biara ku siba. ⁵ Alaso Yaa itome gu bo siba ipe oseklera iradea biara.

Ngõ Nde Kristo Yesu Odabo See.

⁶ Si ate mafodedze ara wagbe ne, ato aade Yesu Kristo rabaradze see go nto okararã so i

kafokade gu onukuare itōme ne kama asiai ame. ⁷ Ne oso rera so kama i mawa anatika wa loikote so maade kore si akpadzē so atā ngbā sekelea ise. ⁸ Sosina ame ole le kakaaka xee ne, Yaa itōme ifafare so aabara i ne iso ba kusia i ori biara iso. Alaso ito iatā-o kusia i ngbā megbe gu mme nto miba ame. ⁹ Nnegbe nde itōme gbaā ne lokote so oturi biara aafō ode ne. ¹⁰ Nnegbe oso fie boto bokpē, boxe i karabara iso teteree ne. Alaso bo oriinyo odudu sia i Yaa go mba ngbā fie ode maturi odudu Didze iso titirio mma lofo wū made.

¹¹ Karā ara wagbe iroī tā ma si ate wā. ¹² Daatā kuwē si onyo-o itititē alaso abara obiete oso. Yee ne, de ikparī tā mafodedze odudu i fo ikade gu nsegbai gu fo maturi kudoe gu kafokade ame gu fo ngbā sekelea ise ame. ¹³ Ya teteree si ala ooka Yaa itōme oxere mafodedze odudu. La odidi wā karō oote ma gbogboogbo owi go ame loaba. ¹⁴ Yaa siawarā ame karatā ga i Yaa osu opia i fo ame iki ō kanya madidze nne maye gu mafodedze makpakpa ma losia-o nroō iso ne, daanyua kā karabara. ¹⁵ Bara ara wagbe si asu so atā wā pelepele so maturi odudu aanya fo ngbā katō ise. ¹⁶ Mōē so la kukaako gu fo ara wa ato ate si aya i karabara iso teteree. Alaso si abara ngbo ne, ato aadi so gu mma odudu nse makā fo itōme atsue aboregu i kutsue ikpadzē ame.

5

*Nyo Makedze Gu Matōdedze Gu
Marabaradze Iso Kukaako.*

¹ Daafafã ɔrɛrẽ gɔ nde-ɔ ɔkpakpa. ʎɛɛ ne, ɔi ara karõ te wũ ku ɔtu ʎɔa le fɔ ɔse awe. La maporoporoi le fɔ manyiibi awe. ² La marõgo ma nde-ɔ sikpakpa le fɔ ɔnyi merẽ awe si ala mabite ana le fɔ manyiiko i isekele ɔɔɔɔ ame. ³ Makuɛdze ma nna buaidze ne, la ma kukaako ku kuware. ⁴ ʎɛɛ si kuɛdze ɔrere ba mabi ʎee mawa ne, mabi mamɔ si masuã kumɛgo maanyɔ ma ayo maturi iso fie maala ma maɣese le mafɔɔɔɔɔde karabara awe. Maɔi ma maɣese kule ala nneɣbe nse ibo ʎaa anɔ ne. ⁵ Kuɛdze gɔ nna buaidze ne, ɔsu ã ɔriinyɔ ɔɔɔɔ ɔsia i ʎaa iso fie ɔse ɔkpere wũ kasẽ i kakome sɔ ɔbuai wũ. ⁶ ʎɛɛ kuɛdze gɔ nsi sɔ ɔto ɔɔɔ nɣbã ne, ɔna nɣbã i ʎaa anɔmi ame atoa sɔ ɔsi nɣbã. ⁷ Karã ara wagbe irɔi tã ma sɔ maase nɣbã me i maturi iibadi ma iɣere. ⁸ Si mi ndẽ ɔrere ɔsẽ sɔ ãito ɔnyɔ ã iyo maturi iso kukaako ne, mitsue sɔ ãisiai kafɔkafɔ fie ɔnyanyarĩ kɔra ɔɔɔ ngo loifiniki.

⁹ Daasu kuɛdze gɔ loifo ako sikuɔ iyere abua i mafɔɔɔɔɔde makuɛdze ikuri ame. Kuɛdze gɔ loabo ikuri nemɔ ame ne, ikote sɔ ɔɔɔɔ ɔrõgo gɔ loyiri kurã kuwẽ pe. ¹⁰ Ikote sɔ maturi aaro wũ iyere see ala ã kurabarara ɔso. ɔɔɔ ɔrõgo gɔ lokpadzẽ ã mabi kukaako fie ɔse ɔfo mafɔ, ngo nse ɔnyɔ mafɔɔɔɔɔde anyaa iso kukaako. ɔɔɔ ngo nse ɔnyɔ maturi ma mpia i inyewe ame nnya fie ɔsi ã nɣbã ɔɔɔɔ ɔtã ara see ibara.

¹¹ Makuɛdze biɛte ne, daasu ma ayere abua i makuɛdze ikuri iso. Alaso si kurã iyo ise ɔmerẽ ɔtse ma ɔkã ikpẽ ne, mato maakpese i Kristo kama sɔ maayiri arã. ¹² Nneɣbe to iatã maɔe

ipɔ ala matu ndamu me makã matã ʏaa. ¹³ Ne kama ne, mase manina ɔwi mawe maki i maturi ayo maɣe kutsue kpɔlɔkɔi. Nne lonyanyarĩ idɔ ɔdudu nde so ne, mase maɣe maturi iso ara, mma nse mapia kulu i maturi ndê, maɣe aka wa loikote. ¹⁴ Ne ɔso loabie so makuɛdze biɛɛ si mayiri arã, maɣe mabi si manyɔ ma ayo iso bowũ. Nnegbe aatã so maibabara ara wa loikote so bo matsirise iibana ɔri masopara bo. ¹⁵ Nto loɣe ngbɔ alaso makuɛdze mawẽ ɔɔfiniki masiai ʔbosam kama koko.

¹⁶ Si fɔɔɛdze rɔgo ɔrere ba makuɛdze iyo ne, ɔnyɔ ma iso so makuɛdze mamɔ ato iibasiasia i ʏaa mafɔɔɛdze iso. ʔtã so mafɔɔɛdze tsɔra si manyɔ makuɛdze ma nna buaideze iso.

¹⁷ Mafɔɔɛdze matɔɔɛdze ma nse makɔkɔ maturi kukaakɔ ne, ikote so maafɔ kuware gu kuso go lokɔle kato. Titiriu mma nto mate ara fie mato maɣe Itɔme Bielea ana. ¹⁸ Alaso maɣe i ʔko Sekelea ame so, “Daanyi boi go nto ɔbuai-ɔ i fɔ ɔkpẽ ame kanya.” Ana ne, “Ikote so rabaradze biara aafɔ ɔ kuso.” ¹⁹ Si ɔrere ɔba ɔɣe ira i tɔɔɛdze iso ne, daafɔ aɛɛ si iide maturi inyɔ ɣee ite loba. ²⁰ Mma nto mabara ara lalaa ne, dji te ma i mafɔɔɛdze ɔdudu katɔ iyo matsɔra ka mato maanigã.

²¹ Nto loɣere-ɔ i ʏaa gu Kristo Yesu gu ʏaa makpabo sekelea katɔ so bara ara wagbe iso kukaakɔ so aibanyɔ kuwẽ i katɔ akarã mawẽ ana anɔmi. ²² Daatata so i nrɔɔ isia maturi iso itã ʏaa karabara. Daapia korɔ i maturi mama ara lalaa ibara ame bowũ ne, la so sekelee.

²³ Fɔ kayiri ɔnye ɔso ne, daala ɔɔne ndu kunu. Le so aala ɔɔne ndã kekeĩ le kua awe.

²⁴ Maturi mawẽ akpi wa mase mabara iise awere fie ise ite so maakpadzẽ ma kutsue. Yee mawẽ ana ne, kama kama fie ma akpi aabore i ɔgbami. ²⁵ Ngbo ame i ara see wa i maturi se mabara ana iise awere ne. Si aibore i ɔgbami kinio maturi ɔnya ne, owi i katõ ame ne, ato aate manya.

6

¹ Yere mafɔdedze ma nde masande ɔduɔdu so mabo so karõ matã ma makɔse i karabara biara ame so maturi iibaɔe ika nyanyarĩa i Yaa gu bo kafɔkaɔe ara ite iso. ² Mafɔdedze ma nde masande fie ma makɔse ana de mafɔdedze ne, madaasu ma sinyii ibara mata maya ma makɔse iso. Yee ikote so maabo so karõ matã ma mabuai ma mabua. Alaso mma mato mabuai ne, ma wũ mafɔdedze maɔe. Fie ma gu ma ɔduɔdu nde Yaa sigarakadekõ maturi ma ɔse ɔɔe gbaã. Te ara wagbe si apia ma ɔto so mabara wã.

Anɔ Si Arɛɛ-ɔ I Yaa Isiai Ame.

³ Ɔturi biara go nse ɔte ara wa loikotegu Bosate Yesu Kristo atõme yee kafɔkaɔe are ne, ⁴ kato kere ɔto ɔkɔle so. Jiye kuirã fie kakpadzẽ siefe ɔkpese wũ ɔnye. Ɔba sirere ikpẽ, kalo, maturi sitia gu adzuni nyanyarĩa ibu i maturi iso. ⁵ Mase makpadzẽ atõme owi biara. Maturi magbe kayere ɔkpi fie ɔnukuare ɔoyu ma iso. Mabu so masiai kafɔkaɔe ori iso si maana karana.

⁶ Gbaã idɛ so kusia gbodzoo pia i Yaa kasumu ame itã bo si ara wa boba se abo bo anɔ. ⁷ Alaso

gɔ maɣe bo ne, boito kuira bobɔ kayiiso. Fie ikpa sekelee ana sɔ si boarui ne, boibasuu kuira bokelɛgu. ⁸ Ne ɔso mitã bo arapia gu aɗera wa boba si abo bo anɔ. ⁹ Ƴɛɛ mma anɔ nse arete i karana iso ne, mase makpase mabo i Ɖbosam ayebi ame. Mase mabo i adzimira ibara ame. Ara lalaa se abɔre ma iso fie ase anina ma ngbã makpi mawɔ pelepele. ¹⁰ Alaso sikã kuɗɔe ame i ara lalaa agbãagbã se abɔre. Sikã kuɗɔe gɔgbe ɔso i maturi mawẽ ɔɔyu ma kafɔkaɗe ɔri see fie ma ngbã ɔɗuɗu ɔbo i inyewe ame ne.

Ƴa I Kafɔkaɗe Karabara Iso Teteree.

¹¹ Gɔ aɗe Ƴaa ɔturi ɔso ne, ɗi so bɔreɣu i ara wagbe ɔɗuɗu ame si asiai isekele, Ƴaa kunigã gu kafɔkaɗe kama. Siai Bosate i kafɔkaɗe gu kuɗɔe ame. Na ɔtu si ala maturi ɔɗuɗu kukaako. ¹² Kpẽ kafɔkaɗe kakpã teteree si ana ngbã me loise miro. Ngbã megbe ɔso fie Ƴaa ɔkpere-ɔ ku ɔwi gɔ abusi fɔ kafɔkaɗe ame i mafɔɗedze mama katɔ ne. ¹³ I Ƴaa Kato gu karɔ Baradze gu Yesu Kristo katɔ, ngɔ lobusi ɔ kafɔkaɗe ɔte i Pontio Pilato katɔ nto lotã-ɔ mmara megbe. ¹⁴ Loɣere-ɔ sɔ mɔẽ mmara megbe la kukaako sɔ kuwẽ iibawo-ɔ iɣere ɔɗi gbɔgbɔɔgbɔ ɔwi gɔ i Bosate Yesu Kristo aaledza iba. ¹⁵ Ƴaa gɔ lokote sɔ maale fie ɔto ɔɗe ira biara iso, ɔ nde magara ɔɗuɗu igara gu makɔse ɔɗuɗu ɔkɔse to ɔatã Yesu ɔledza iba i ɔwi gɔ lokate wũ iso. ¹⁶ Ɖ ɔnɔwẽ nde ngɔ nsi ngbã ɔise ɔkpi ɔnya. Ɖto ɔfie sɔ kuwẽ iibawo wũ ɔnyɔ ku anɔ. Kuwẽ kuwẽ iinya wũ ɔnya fie kuwẽ ana iibawo wũ ɔnyɔ. Ile gu ɔle ɔɗuɗu ne, ɔ ore ɔɗe ɔwi biara. Si iba ngbɔ.

¹⁷ Ƴere mma mba kayiiso karana so madaakole so kato masu ma oriinyo masia i ara wa loibawo ma odi iso. Ƴee masu ma oriinyo masia i Ƴaa iso. Ose otã bo ira biara ku kayiribielea so boana isoyo. ¹⁸ Ƴere ma so mala maobara isee so maakpese maranase i ara see ibara ame. Mala maotã mawereba ara ku ma situ faa. ¹⁹ Si mabara ngbo ne, mato maana karana ga loise kanina fie kase katã ma owi biara, ana ne, mato maana ngbã see memo.

²⁰ Timoteo, nyo so aadzuẽ ara wa i Ƴaa osu otã-o kukaako. Sẽ akade wa nna karõ fie aite Ƴaa kunigã si arera so kama i kakpadzẽ ga nna karõ ga i mawẽ osu masoola maturi le inogba atõme ide. ²¹ Ƴee go mawẽ obu so maye ara wagbe oso ne, maoyu kafokade ori.

Lokare so Ƴaa abualera si awegu mi.

Ndamu Ƴεε Siwu
Siwu: Ndamu Ƴεε Siwu New Testament

copyright © 2008 Wycliffe Bible Translators, Inc.

Language: (Siwu)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 1 Dec 2020

b5020a1a-c7b9-512a-9b46-1e462be571d4